



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ԳԵՂԱՐՔՈՒՆԻՔԻ ՄԱՐԶՊԵՏ  
ՈՐՈՇՈՒՄ**

N 78- Ա

06 մայիսի 2017 թ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՌՈՂՋԱՊԱՀՈՒԹՅԱՆ ՆԱԽԱՐԱՐՈՒԹՅԱՆ  
«ՍԵՎԱՆԻ ՀՈԳԵԲՈՒԺԱԿԱՆ ՀԻՎԱՆԴԱՆՈՑ» ՓԱԿ ԲԱԺՆԵՏԻՐԱԿԱՆ  
ԸՆԿԵՐՈՒԹՅԱՆԸ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԵՂԱՐՔՈՒՆԻՔԻ ՄԱՐԶԻ  
ԱՌՈՂՋԱՊԱՀԱԿԱՆ ԸՆԿԵՐՈՒԹՅՈՒՆՆԵՐՈՒՄ ՏԱՐԱԾՔՆԵՐ ՏՐԱՄԱԴՐԵԼՈՒ ՄԱՍԻՆ

Ղեկավարվելով «Բաժնետիրական ընկերությունների մասին» Հայաստանի Հանրապետության օրենքի 67-րդ, 68-րդ հոդվածների և Հայաստանի Հանրապետության Նախագահի 1997 թվականի մայիսի 6-ի ՆՀ-728 հրամանագրի 1.6-րդ կետի դրույթներով **որոշում եմ՝**

1. Հայաստանի Հանրապետության Գեղարքունիքի մարզում հոգեկան առողջության խնդիրներ ունեցող մարդկանց կյանքի որակը բարելավելու, արտահիվանդանոցային հոգեբանական, բժշկական և սոցիալական ծրագրերը հոգեկան առողջության շրջանային կաբինետներում իրականացնելու նպատակով թույլատրել Հայաստանի Հանրապետության Գեղարքունիքի մարզի «Մարտունու բժշկական կենտրոն», «Սևանի բժշկական կենտրոն», «Ճամբարակի առողջության կենտրոն» փակ բաժնետիրական ընկերություններում և «Գավառի պոլիկլինիկա», «Վարդենիսի պոլիկլինիկա» պետական փակ բաժնետիրական ընկերություններում 5 տարի ժամկետով տրամադրել տարածքներ Հայաստանի Հանրապետության առողջապահության նախարարության «Սևանի հոգեբուժական հիվանդանոց» փակ բաժնետիրական ընկերությանը՝ հոգեկան առողջության շրջանային կաբինետների գործունեությունն ապահովելու համար:

2. Հայաստանի Հանրապետության Գեղարքունիքի մարզի «Մարտունու բժշկական կենտրոն», «Սևանի բժշկական կենտրոն», «Ճամբարակի առողջության կենտրոն» փակ բաժնետիրական ընկերությունների և «Գավառի պոլիկլինիկա», «Վարդենիսի պոլիկլինիկա» պետական փակ բաժնետիրական ընկերությունների տնօրեններին՝ Հայաստանի Հանրապետության օրենսդրությամբ սահմանված կարգով կատարել Հայաստանի Հանրապետության առողջապահության նախարարության «Սևանի հոգեբուժական հիվանդանոց» փակ բաժնետիրական ընկերությանը տարածքներ տրամադրելու համապատասխան փաստաթղթերի ձևակերպումները:

3. Սույն որոշումն ուժի մեջ է մտնում ստորագրման պահից:



N.

ՌԱՖԻԿ ԳՐԻԳՈՐՅԱՆ